

Ja lacha!

« Jetz luog denn är, jetz schribt er gar!
Was schribscht da uuf für gouchi Waar?
Du täätischt besser, z Tagam z gaa
Und gschiidra Lüt d Tinta z laa.»

«Was schriib i uuf? Dich sälber, weischt,
Soo wia de bischt, wia d hockscht und geischt.
Dernaa diis Wip, dii Geiss, dii Chua,
Dia seil i ou no zuo der zua.
Und waan i es äärtigs Meiggi gsee,
Es Buopli huuset bi schiim Vee,
Das Gspenscht, waa hindrem Ofa sitzt,
Und d Chatza, waa bim Muusa schwitzt,
Dr Äschapudel, dr Hennagiir,
Schii älli tuon i uf ds Palpiir.»

«Höör uuf, höör uuf! und bschiiss mi nit,
Ich weis jetz scho, was du da witt,
Du witt us ünsch Kchalender macha
Und chunscht de sälber dri, ja lacha!»

aus Urchigi Lüt
von Josef Jörger